

Agenda 21

Vrsta: Seminarski | Broj strana: 17 | Nivo: Poslovne studije

Održivi razvoj

Pojam održivog razvoja dovodi se, najčešće, u vezu sa zaštitom životne sredine, planiranjem društvenog razvoja, ekološkim, ekonomskim i političkim pitanjima. Koncept održivog razvoja predstavlja novu razvojnu strategiju i filozofiju društvenog razvoja.

Održivi razvoj spaja ujedno brigu za živi svijet na planeti Zemlji, kao i očuvanje kapaciteta prirodnih sistema (prirodnih resursa) sa društvenim i ekološkim izazovima savremenog društva. Održivi razvoj je razvoj koji zadovoljava potrebe sadašnjih generacija, a istovremeno ne ugrožava mogućnosti budućih generacija da zadovolje svoje potrebe

Održivi razvoj uključuje istovremeno ostvarivanje četiri cilja:

- društveni razvoj u kojemu su prepoznate potrebe za svakoga
- učinkovita zaštita okoliša
- umjereno (razumno) korištenje prirodnih resursa
- održanje visoke i stabilne razine gospodarskog rasta i zaposlenosti.

Razumijevanje održivog razvoja danas postupno se proširuje međupovezivanjem područja ekonomije, ekologije i sociologije. Govori se o "magičnom trokutu" održivog razvoja: socijalna pravednost, ekonomska sigurnost i ekološka ravnoteža.

Aktuelnostima pojma održivog razvoja naročito doprinose izazovi koji proizilaze sa ugroženošću životne sredine. Neki od tih izazova su: globalno zagrijavanje, smanjivanje ozonskog omotača, „efekat staklene bašte“, nestanak šuma, pretvaranje plodnog zemljišta u pustinje, pojava kiselih kiša, izumiranje životinjskih i biljnih vrsta.

Ukratko, održivi razvoj predstavlja generalno usmjerenje, odnosno težnju da se stvori bolji svijet, balansirajući socijalne, ekonomske i faktore zaštite životne sredine.

Prije nešto više od deset godina, Svjetska komisija za životnu sredinu i razvoj (World Commission on Environment and Development), poznata i kao "Brundtlandova komisija" (Brundtland Commission) objavila je izvještaj pod nazivom „Naša zajednička budućnost“ (Our Common Future) kojim se ukazuje na opasnost po ljude i našu planetu, prouzrokovane politikom ekonomskog rasta bez uzimanja u obzir mogućnosti regeneracije planete Zemlje.

Ova komisija, kojom je predsjedavao Kanadjanin Jim McNeill, definisala je održivi razvoj kao razvoj kojim se ispunjavaju potrebe sadašnjosti, bez uskraćivanja mogućnosti budućim generacijama da zadovolje svoje potrebe.

Ekonomska sigurnost uključuje: povećanje proizvodnje korisnih dobara i usluga, smanjenje siromaštva u svijetu i zadovoljenje temeljnih potreba ljudi, osiguranje pravedne raspodjele dobara te stalno unapređivanje jednakosti u svim segmentima privređivanja i osiguranje dovoljnog broja radnih mjesta.

Socijalna pravednost uključuje: osiguravanje i poticanje kulturološke raznolikosti, održavanje i podržavanje institucija društvenih sustava, podržavanje socijalne pravičnosti i spolne jednakosti, omogućavanje sudjelovanja u odlučivanju svih segmenta društva, osiguravanje mogućnosti pravične naobrazbe za sve, stvaranje jednakih prilika za razvoj posebno u okviru problematike Sjever – Jug.

Ekološka ravnoteža podrazumijeva: osiguravanje i održavanje genetske raznolikosti, podržavanje biološke proizvodnje, stvaranje otpornosti prema negativnim utjecajima na okoliš te poticanje i omogućavanje oporavljivosti u slučaju nastajanja negativnih utjecaja, osiguravanje čistog okoliša i stabilne klime.

Agenda 21 - program za 21. stoljeće

“Agenda 21 je historijski dokument koji pojašnjava kako razvoj učiniti ekološki, ekonomski i društveno održivim. Da bi se u tome uspjelo, potrebno je uključiti sve čimbenike društva. Zaštita okoliša treba biti sastavni dio razvojnog procesa. Agenda 21 nudi konkretne mogućnosti za suzbijanje degradacije okoliša, očuvanje biološke raznolikosti, održivo korištenje prirodnih resursa, održivo upravljanje okolišem.

----- OSTATAK TEKSTA NIJE PRIKAZAN. CEO RAD MOŽETE
PREUZETI NA SAJTU. -----

www.maturskiradovi.net

MOŽETE NAS KONTAKTIRATI NA E-MAIL: maturskiradovi.net@gmail.com